

Powšitkowne WOZJEWJENJA

njedźelu, 25. měrca 2012

Kubłanskej dnjej za 5. a 6. lětnik

Dekanatne dušepastyrstwo zarjaduje pod hesłom „Štó sym?“ za džěci 5. a 6. lětnika w jutrownych prózdninach wot srjedy do štwórtka, 11. do 12. apryla, zhromadnjej dnjej w Don Boskowym domje we Worklecach. Zajimcy njech so prošu hač do póndžele, 2. apryla, pod telefonowym čisłom (03 57 96) 8 87 07, we Worklecach přizjewja. Nadrobniše informacije su we wuwěšku we wosadach.

Křižowy puć młodžiny

Dekanatna młodžina modli so křižowy puć bołmončku, njedźelu, 1. apryla, w Hórkach. Wšitcy młodostni su wutrobnje přeprošeni sobu kročić a so modlić. Po tym je zhromadna bjesada při šalce kofeja.

Ekumeniski nyšpor w Drježdźanach

Wšitcy Serbja w Drježdźanach, jich přiwuzni a přečeljo su wutrobnje přeprošeni na ekumeniski serbski nyšpor sobotu, 31. měrca, ze superintendentom Janom Malinkom. Nyšpor budže w 15 hodź. w cyrkwi swjateho Józefa w Drježdźanach-Pieschenje, Rehefeldska 61. Po nyšporje zetkamy so w Šoćic kofejowni na bjesadu.

M. Bubnarjec

Putniske jězby

Šmitec wozydłownistwo ma hišće swobodne městna za jednotliwe putniske jězby. Jednodnjowska jězba powjedže njedźelu, 6. meje, na marijanske putniske městno do Wambierzyc w Pólskej. Wot srjedy, 30. meje, do pjatka, 1. junija, powjedže putniska jězba do Fuldy k rowej swjateho Bonifacija a do klóštra oblatow w Hünfeldze.

Serbske putnikowanje wot soboty do soboty, 11. do 18. awgusta, powjedže do Pólskeje a Litawskeje. Mjez druhim podadza so putnikoj do Wilny, na Horu křižow a do Mazurow.

Wulět samostejacych

Lětuši wulět samostejacych budže wutoru, 22. meje. Termin so planowanja dla nětkole hižo wozjewi. Wokomiknje njetrjeba so hišće ničto přizjewić.

Bibliski kurs: Jězusowe zrowastanjenje a jutrowna wěra

Zo je Jězus z mrtwych stanył, je jadro křescanskeje wěry – za mnohich pak je wěra do zrowastanjenja problematika, prowokantna a džensa hižo njepřicpějomna. Kak pak z tym wobchadžeć, štož je zakład našich jutrow?

Bibliski kurs w Domje biskopa Bena na kóncu jutrowneho tydženja wot 13. do 15. apryla chce so tutym prašenjam přiwobročić a wosobinski přistup k tutomu potajnstwu zmóžnić. Referent budže Christoph Köst z Lipska.

Hdyž so džěćo narodźi

Wjeseliće so na džěćo abo je so wam džěćo runje narodźilo? Dom biskopa Bena w Smochćicach poskići młodym swójbam wot 11. do 13. meje składnosć, zhromadnje so wjeselić a dźiwać, mjezsobu sej powědać a wuměnjeć kaž tež čas měć za mnohe mjeńše a wjetše prašenja k temje džěći a swójba. Nawoda třoch mejskich dnjow wot pjatka hač do njedźele budže referent Ansgar Hoffmann, sam zaso „čerstwy“ nan.

Přeprošene su pory, kotrež w blišim času džěćo wočakuja abo su hižo młoda swójba. Tež swójby, kotrymž je so zaso małe džěćo narodźilo, su lubje witane. Za staršich bratřikow a sotřički poskići so zaběra a wobstaranje. Dalše informacije a přizjewjenje pod www.benno-haus.de abo telefonisce pod čisłom referenta (03 59 35) 2 23 17.

Přiležnosć k swjatej spowědźi w Róžeńće

pjatk, 30. měrca 17.30 – 18.30 hodž.	kanonik Š. Delan, farar B. Jakubaš, farar H. Morawietz
sobotu, 31. měrca 17.00 – 18.00 hodž.	farar B. Šořta, farar D. Dzikiewicz farar M. Ulrich, farar S. Foelz
póndźelu, 2. apryla 18.30 – 19.30 hodž.	farar M. Anders, farar W. Sćapan, farar B. Jakubaš, farar R. Elsner
wutoru, 3. apryla 18.30 – 19.30 hodž.	farar G. Wornar, farar M. Anders, farar G. Nawka, farar J. Magiera